

## Vorrede.

Mensch aber ist ein Herz aller dieser Geschöpfte / von Gott dem  
Herrn darzu erschaffen / daß er vber dieselbige herrschen / vnd  
sich ihrer zu seiner Nohtturfft gebrauchen sol. Denn wie wildt/  
vnbändig vñ grausam die vnvernünfftige Thier auch seynd: hat  
es der Mensch jedoch mit seinem Verstandt dahin gebracht/  
daß sie ihme müssen zu Gebott vnd Gehorsam stehen. Der Lust  
aber vnd Begierde der Menschen ist nicht / wie bey einer jeden  
Art der vnvernünfftigen Thier / ein: sondern viel vnd mancher  
ley: Denn etliche sindt gern ohne Gesellschaft vnd allein: be-  
geben sich derowegen in die Einöde / damit sie den Heimlichkei-  
ten der Natur desto besser können nachsinnen / vnd vertriben  
also die ganze Zeit ihres Lebens mit Speculirn / achten sich kei-  
nes Weltlichen Prachts / grossen Reichthums vnd Palläste /  
sondern wohnen viel lieber in der Wildenüß in kleinen vnachts-  
sammen Hütlein / Höhlen vnd Lochern: Vnd richten vnter ans  
dern ihre Gedancken auch etwann auff die Metall / welche Ort  
vnd Erden nemlich derselbigen am meisten habe / was für ein  
Vnterscheidt zwischē denselbigen sey / vñ was ihrer aller Mate-  
ry vnd so fort an. Vnd zwar so haben sich die alte vnserre liebe  
Vorfahren dieser jetzt gemelten Sachen nicht darumb beflie-  
sen / daß sie sich dardurch begertreich zumachen / grosse Schät-  
ze zusamlen / vnd den ihrigen zu hinderlassen / oder sich sonst  
hoch damit ans Brett zubringen / oder aber zu Herrn der Welt  
zumachen: Sondern damit sie der Tugendt je länger je näher  
kämen: Darn je schwärer ein Sach war / je grössern Lust  
vnd Begierde hatten sie derselbigen nachzuforschen: Vnd je  
erfahrner einer in solchen vnd dergleichen Sachen war / je mehr  
vnd hefftiger ward er von männiglich geliebet. Ja es ist auch  
des Menschen Herrs vnd Gemüt für sich selbst also geschaffen/  
daß je mehr es weiß / je mehr es zu wissen begert / vnd kann des  
Nachforschens nicht müd vnd satt werden / Bringt also die  
Zeit seines Lebens in aller Ruhe vnd Stille vnd in höchster  
Frewde zu / vnd ist mit ihme selbst wol content vnd zufrieden:  
Dieser